



МОНГОЛ УЛСЫН  
СОНГУУЛИЙН ЕРӨНХИЙ ХОРООНЫ  
ТОГТООЛ

2023 оны 01 сарын 10 өдөр

Дугаар 01

Улаанбаатар хот

**Цаг хугацааны хуваарь батлах тухай**

Аймаг, нийслэл, сум, дүүргийн иргэдийн Төлөөлөгчдийн Хурлын сонгуулийн тухай хуулийн 9 дүгээр зүйлийн 9.12 дахь хэсэг, Сонгуулийн төв байгууллагын тухай хуулийн 12 дугаар зүйлийн 12.3 дахь хэсгийг үндэслэн ТОГТООХ нь:

1. “Аймаг, нийслэл, сум, дүүргийн иргэдийн Төлөөлөгчдийн Хурлын 2023 оны нөхөн болон дахин сонгуулийн үйл ажиллагааг зохион байгуулах цаг хугацааны хуваарь”-ийг хавсралт ёсоор баталсугай.

2. Цаг хугацааны хуваарийг сонгуулийн хороодод хүргүүлэх, нийтэд мэдээлэхийг Ажлын албаны дарга /Д.Баяндүүрэн/-д, хэрэгжилтэд хяналт тавьж ажиллахыг Нарийн бичгийн дарга /Д.Даваа-Очир/-д тус тус даалгасугай.


ДАРГА

П.ДЭЛГЭРНАРАН

НАРИЙН БИЧГИЙН ДАРГА

Д.ДАВАА-ОЧИР

Сонгуулийн ерөнхий хорооны  
2023 оны 01 дугаар сарын 10 ны өдрийн  
01 дугаар тогтоолын хавсралт



**АЙМАГ, НИЙСЛЭЛ, СУМ, ДҮҮРГИЙН ИРГЭДИЙН ТӨЛӨӨЛӨГЧДИЙН  
ХУРЛЫН 2023 ОНЫ НӨХӨН БОЛОН ДАХИН СОНГУУЛИЙГ ЗОХИОН БАЙГУУЛАХ  
ЦАГ ХУГАЦААНЫ ХУВААРЬ**

№	Хийгдэх ажил	Хуулийн заалт	Хуанлийн хугацаа
<b>Нэг.СОНГУУЛИЙН ТОЙРОГ, ХЭСЭГ</b>			
1	Сонгууль товлон зарлах, санал авах өдөр тогтоох	Орон нутгийн Хурлын нөхөн сонгуулийг тухайн аймаг, нийслэл, сум, дүүргийн иргэдийн Төлөөлөгчдийн Хурал тухайн <b>нөхцөл байдал үүссэнээс хойш 60 хоногт багтаан</b> товлон зарлана. (Хуулийн 9 дүгээр зүйлийн 9.8 дахь хэсэг) ... тухайн шатны сонгуулийн хороо дахин сонгуулийг <b>санал авах өдрөөс 70-аас доошгүй хоногийн өмнө</b> товлон зарлах, нөхөн болон дахин сонгуулийг энэ хуульд нийцүүлэн зохион байгуулах үүрэгтэй. (Хуулийн 9 дүгээр зүйлийн 9.10 дахь хэсэг)	2023.3.21- нээс өмнө
2	Сонгуулийн тойрог байгуулах, мандатын тоо тогтоох	Орон нутгийн Хурлын ээлжит сонгуулиар байгуулагдсан сонгуулийн тойргийг дараагийн ээлжит сонгууль хүртэл хугацаанд өөрчлөхийг хориглоно. (Хуулийн 12 дугаар зүйлийн 12.6 дахь хэсэг)	2020 онд байгуулагдсан сонгуулийн тойргоор
3	Сонгуулийн хэсэг байгуулах	Орон нутгийн Хурлын ээлжит сонгуулиар байгуулагдсан хэсгийг энэ хуульд зааснаас бусад тохиолдолд дараагийн ээлжит сонгууль хүртэл хугацаанд өөрчлөхгүй. (Хуулийн 13 дугаар зүйлийн 13.10 дахь хэсэг)	2020 онд байгуулагдсан сонгуулийн хэсгээр
4	Сонгууль товлон зарласан шийдвэрийг хүргүүлэх	Орон нутгийн Хурлын ээлжит бус, нөхөн болон дахин сонгууль явуулахаар товлон зарласан эрх бүхий байгууллага тухайн шийдвэрийг ажлын гурван өдрийн дотор улсын бүртгэлийн асуудал хариуцсан төрийн захиргааны байгууллагад хүргүүлнэ. (Хуулийн 24 дүгээр зүйлийн 24.4 дэх хэсэг)	Шийдвэр гарснаас хойш ажлын гурван өдрийн дотор
<b>Хоёр.СОНГУУЛИЙН БАЙГУУЛЛАГА</b>			
5	Аймаг, нийслэлийн сонгуулийн хороог байгуулах	Аймаг, нийслэлийн Хурал санал авах өдрөөс <b>70-аас доошгүй хоногийн өмнө</b> аймаг, нийслэлийн сонгуулийн хороог дарга, нарийн бичгийн дарга болон тав, эсхүл долоон гишүүний бүрэлдэхүүнтэй байгуулж, нийтэд мэдээлнэ. (Хуулийн 16 дугаар зүйлийн 16.1 дэх хэсэг)	2023.4.01- нээс өмнө
6	Сум, дүүргийн сонгуулийн хороог байгуулах	Сум, дүүргийн иргэдийн Төлөөлөгчдийн Хурал ээлжит бус, нөхөн сонгуулиар тухайн сум, дүүргийн иргэдийн Төлөөлөгчдийн Хурал сум, дүүргийн сонгуулийн хороог <b>санал авах өдрөөс 60-аас доошгүй хоногийн өмнө</b> дарга, нарийн бичгийн дарга, гурав, эсхүл таван гишүүний бүрэлдэхүүнтэйгээр байгуулж, харьяалах нутаг дэвсгэрийнхээ хэмжээнд нийтэд мэдээлнэ. (Хуулийн 17 дугаар зүйлийн 17.2 дэх хэсэг)	2023.4.09- нөөс өмнө

7	Хэсгийн хороог байгуулах	Сум, дүүргийн сонгуулийн хороо хэсгийн хороог санал авах өдрөөс <b>45-аас доошгүй хоногийн өмнө</b> дарга болон зургаа, эсхүл найман гишүүний бүрэлдэхүүнтэй байгуулж, харьяалах нутаг дэвсгэрийн хэмжээнд нийтэд мэдээлнэ. (Хуулийн 18 дугаар зүйлийн 18.1 дэх хэсэг)	2023.5.04-нөөс өмнө
8	Сургалт зохион байгуулах	Сонгуулийн хороонд сургалтад хамрагдаж, гэрчилгээ авсан төрийн захиргааны болон төрийн үйлчилгээний албан хаагчийг томилон ажиллуулна. Сургалтыг орон нутаг хариуцсан төлөөлөгч-сургагч багштай хамтран зохион байгуулна. (Хуулийн 14 дүгээр зүйлийн 14.4 дэх хэсэг)	2023.5.05-наас 2023.5.20-ны хооронд
<b>Гурав.СОНГОГЧДЫН НЭРИЙН ЖАГСААЛТ</b>			
9	Иргэний шилжилт, хөдөлгөөнийг зогсоох	Иргэний засаг захиргааны нэг нэгжээс нөгөө нэгжид шилжин суурьших хөдөлгөөнийг санал авах өдрөөс <b>60 хоногийн өмнө зогсоож, санал авах өдрийн дараах өдрөөс</b> сэргээнэ. (Хуулийн 24 дүгээр зүйлийн 24.1 дэх хэсэг)	2023.4.19-нөөс эхлэн зогсоож, 2023.6.19-нөөс сэргээнэ
10	Сонгогчдын нэрийн жагсаалтыг цахим хуудаст байршуулах	Улсын бүртгэлийн асуудал хариуцсан төрийн захиргааны байгууллага сонгогчдын нэрийн жагсаалтад байгаа сонгуулийн эрх бүхий иргэний эцэг /эх/-ийн нэр, өөрийн нэр, нас, хүйс, регистрийн дугаар, байнга оршин суугаа газрын хаягийн бүртгэлийн мэдээллийг аймаг, нийслэл, сум, дүүрэг, баг, хороогоор болон сонгуулийн хэсэг нэг бүрээр нь нэгтгэн гаргах бөгөөд уг жагсаалтыг санал авах өдрөөс <b>90-ээс доошгүй хоногийн өмнөөс эхэлж</b> орон нутгийн Хурлын сонгууль дуустал өөрийн цахим хуудаст байршуулна. (Хуулийн 20 дугаар зүйлийн 20.4 дэх хэсэг)	2023.3.20-ноос эхлэн
11	Эрх бүхий байгууллагууд сонгуулийн насны иргэдийн мэдээллийг цаасан болон цахим хэлбэрээр хүргүүлэх	Доор дурдсан байгууллага дараах иргэний эцэг /эх/-ийн нэр, өөрийн нэр, регистрийн дугаар, төрсөн он, сар, өдөр, хүйс болон бусад шаардлагатай мэдээллийг Сонгуулийн ерөнхий хороонд санал авах өдрөөс <b>60-аас доошгүй хоногийн өмнө</b> цаасан болон цахим хэлбэрээр хүргүүлнэ: -эрх зүйн чадамжгүй нь шүүхийн шийдвэрээр тогтоогдсон сонгуулийн насны иргэдийн мэдээллийг Улсын дээд шүүх; -хорих ял эдэлж байгаа болон эрүүгийн хэрэгт холбогдуулан баривчлагдсан, захиргааны журмаар албадан эмчлүүлж байгаа сонгуулийн насны иргэдийн мэдээллийг шүүхийн шийдвэр гүйцэтгэх байгууллага; -60 ба түүнээс дээш хоногийн хугацаагаар гадаад улсад зорчсон иргэдийн мэдээллийг хил хамгаалах асуудал хариуцсан төрийн захиргааны байгууллага; -тухайн сум, дүүргийн нутаг дэвсгэрт байнга оршин суух бүртгэлгүй боловч санал авах өдөр харьяа тусгай анги, салбарт нь алба хааж байгаа алба хаагч, ажилтны мэдээллийг хил хамгаалах асуудал хариуцсан төрийн захиргааны байгууллага;	2023.4.19-нөөс өмнө

		<p>-тухайн сум, дүүргийн нутаг дэвсгэрт байнга оршин суух бүртгэлгүй боловч санал авах өдөр зэвсэгт хүчний цэргийн анги, нэгтгэлд нь алба хааж байгаа алба хаагч, ажилтны мэдээллийг батлан хамгаалах асуудал хариуцсан төрийн захиргааны төв байгууллага;</p> <p>-тухайн сум, дүүргийн нутаг дэвсгэрт байнга оршин суух бүртгэлгүй боловч тухайн нутаг дэвсгэрт ажиллаж байгаа цагдаагийн алба хаагч, дотоодын цэргийн анги, нэгтгэлд нь алба хааж байгаа алба хаагч, ажилтны мэдээллийг цагдаагийн төв байгууллага;</p> <p>-тухайн жилд Монгол Улсын харьяат болсон, иргэний харьяаллаа сэргээн тогтоолгосон, харьяатаас гарсан иргэдийн мэдээллийг гадаадын иргэн, харьяатын асуудал хариуцсан төрийн захиргааны байгууллага.</p> <p>(Хуулийн 20 дугаар зүйлийн 20.6 дахь хэсэг)</p>	2023.4.19- нөөс өмнө
12	Сонгогчдын нэрийн жагсаалтыг хэсгийн хороонд хүргүүлэх	<p>Улсын бүртгэлийн асуудал хариуцсан төрийн захиргааны байгууллага энэ хуулийн 20.4-т заасны дагуу цахим хуудаст байршуулсан сонгогчдын нэрийн жагсаалтад дараах өөрчлөлтийг тусган уг жагсаалтыг цаасан болон цахим хэлбэрээр үйлдэж, цаасан хэлбэрээр үйлдсэн сонгогчдын нэрийн жагсаалтыг санал авах өдрөөс <b>25-аас доошгүй хоногийн өмнө</b> улсын бүртгэлийн байгууллагын орон нутаг дахь газар, хэлтсээр дамжуулан хэсгийн хороонд хүргүүлнэ:</p> <ul style="list-style-type: none"> <li>- сонгогчоос энэ хуулийн 20.4-т заасан сонгогчдын нэрийн жагсаалтад бүртгэгдээгүй буюу буруу бүртгэгдсэн талаар гаргасан гомдлын дагуу оруулсан өөрчлөлт;</li> <li>- энэ хуулийн 24.1-т заасан хугацаанаас өмнө хийгдсэн сонгогчийн байнга оршин суугаа газрын хаягийн өөрчлөлт;</li> <li>- сонгогчийн эцэг /эх/-ийн нэр, өөрийн нэр, хүйс, регистрийн дугаар зэрэг иргэний бүртгэлтэй холбоотой өөрчлөлт;</li> <li>- нас барсан иргэний улсын бүртгэлтэй холбоотой өөрчлөлт;</li> <li>-энэ хуулийн 20.6-д заасан иргэдийн мэдээлэлтэй холбоотой өөрчлөлт.</li> </ul> <p>(Хуулийн 20 дугаар зүйлийн 20.9 дэх хэсэг)</p>	2023.5.24- нөөс өмнө
13	Сонгогч нэрийн жагсаалтын мэдээлэлтэй танилцах	<p>Хэсгийн хороо нь сонгогчдын нэрийн жагсаалтыг <b>хүлээн авсан өдрөөс эхлэн</b> өөрийн ажиллах байранд, байргүй бол сум, хорооны Засаг даргын Тамгын газрын байранд сонгогчийн өөрт нь холбогдох мэдээлэлтэй чөлөөтэй танилцах бололцоо олгоно.</p> <p>(Хуулийн 20 дугаар зүйлийн 20.10 дахь хэсэг)</p>	Хүлээн авсан өдрөөс эхлэн
14	Сонгогч нэрийн жагсаалтад бүртгэлтэй эсэхээ шалгах, сонгогчдын нэрийн жагсаалттай холбоотой гомдол гаргах	<p>Сонгогч сонгогчийн нэрийн жагсаалт дахь өөрийн болон өөрийн гэр бүлийн гишүүний мэдээлэлтэй танилцах эрхтэй бөгөөд сонгогчдын нэрийн жагсаалтад бүртгэгдээгүй, эсхүл буруу бүртгэгдсэн бол гомдлоо итгэмжлэгдсэн ажилтан, эсхүл улсын бүртгэлийн байгууллагад санал авах өдрөөс <b>14-өөс доошгүй хоногийн өмнө</b> бичгээр гаргана.</p> <p>(Хуулийн 23 дугаар зүйлийн 23.1 дэх хэсэг)</p> <p>Сонгогч сонгогчдын нэрийн жагсаалтад бүртгэгдсэн эсэхээ <b>санал авах өдрөөс 14-өөс доошгүй хоногийн өмнө</b> шалгасан байвал зохино.</p> <p>(Хуулийн 20 дугаар зүйлийн 20.11 дэх хэсэг)</p>	2023.6.04- нөөс өмнө

15	Сонгогчийн мэдээлэлтэй холбоотой өөрчлөлтийг тусгах	Улсын бүртгэлийн асуудал хариуцсан төрийн захиргааны байгууллага иргэний улсын бүртгэлийн мэдээллийн санг үндэслэн энэ хуулийн 23.1-д заасны дагуу гомдол гаргасан иргэний мэдээллийн талаар лавлагаа гаргах ба сонгогчийн мэдээлэлтэй холбогдсон өөрчлөлтийг санал авах өдрөөс <b>гурваас доошгүй хоногийн өмнө</b> сонгогчдын нэрийн жагсаалтад оруулна. (Хуулийн 23 дугаар зүйлийн 23.2 дахь хэсэг)	2023.6.15-наас өмнө
<b>Дөрөв.НАМ, ЭВСЭЛ, НЭР ДЭВШИГЧИЙН БҮРТГЭЛ</b>			
16	Нам, эвсэл сонгуульд оролцохоо илэрхийлэх	Нам, эвслийг төлөөлж тухайн аймаг, нийслэл, сум, дүүрэг дэх намын салбар байгууллага нь Монгол Улсын Үндсэн хууль, энэ хууль болон холбогдох бусад хууль тогтоомжийг дагаж мөрдөхөө илэрхийлэн, орон нутгийн Хурлын сонгуульд оролцох тухай хүсэлтээ санал авах өдрөөс <b>60-аас доошгүй хоногийн өмнө</b> тухайн шатны сонгуулийн хороонд ирүүлнэ. (Хуулийн 25 дугаар зүйлийн 25.1 дэх хэсэг)	2023.4.19-нөөс өмнө
17	Нам, эвслийг бүртгэх эсэх тухай шийдвэр гаргах	Тухайн шатны сонгуулийн хороо сонгуульд оролцох тухай нам, эвслийн баримт бичгийг хүлээн авснаас хойш <b>тав хоногт багтаан</b> нам, эвслийг бүртгэх эсэх тухай шийдвэр гаргана. (Хуулийн 27 дугаар зүйлийн 27.2 дахь хэсэг)	Хүлээн авснаас хойш 5 хоногийн дотор
18	Нэр дэвшүүлэх ажиллагаа	Орон нутгийн Хурлын сонгуульд оролцохоор бүртгүүлсэн нам, эвсэл нэр дэвшүүлэх ажиллагааг санал авах өдрөөс <b>45 хоногийн өмнө эхлүүлж, долоо хоногийн</b> хугацаанд дуусгана. (Хуулийн 28 дугаар зүйлийн 28.1 дэх хэсэг)	2023.5.04-нөөс 2023.5.10-ныг дуустал
		Бие даан нэрээ дэвшүүлэх ажиллагааг санал авах өдрөөс <b>45 хоногийн өмнө эхлүүлж, долоо хоногийн</b> хугацаанд дуусгана. (Хуулийн 28 дүгээр зүйлийн 28.2 дахь хэсэг)	
19	Нэр дэвшигчдийн баримт бичгийг ирүүлэх	Нэр дэвшүүлсэн нам, эвсэл хуульд заасан нэр дэвшүүлэх ажиллагаа дууссан өдрөөс хойш <b>гурав хоногт багтаан</b> ... баримт бичгийг тухайн шатны сонгуулийн хороонд ирүүлнэ. (Хуулийн 31 дугаар зүйлийн 31.2 дахь хэсгээс)	2023.5.13-ны дотор
		Бие даан нэр дэвшигч нь хуульд заасан бие даан нэр дэвшүүлэх ажиллагаа дууссан өдрөөс хойш <b>гурав хоногт багтаан</b> ... баримт бичгийг тухайн шатны сонгуулийн хороонд ирүүлнэ. (Хуулийн 31 дүгээр зүйлийн 31.3 дахь хэсгээс)	
20	Нэр дэвшигчийг бүртгэх эсэх асуудлыг шийдвэрлэх	Сонгуулийн хороо нэр дэвшигчийн баримт бичгийг хүлээн авснаас хойш <b>долоо хоногийн дотор</b> бүртгэх эсэх асуудлыг шийдвэрлэж тогтоол гаргана. (Хуулийн 31 дүгээр зүйлийн 31.9 дэх хэсэг)	Хүлээн авснаас хойш 7 хоногийн дотор
21	Нэр дэвшигчийн үнэмлэх олгох, нийтэд мэдээлэх	Нэр дэвшигчийг бүртгэх тухай шийдвэр гарсан бол тухайн шатны сонгуулийн хороо нэр дэвшигчийн үнэмлэхийг санал авах өдрөөс <b>15-аас доошгүй хоногийн өмнө нэг өдөр</b> олгож, нийтэд мэдээлнэ. (Хуулийн 31 дүгээр зүйлийн 31.10 дахь хэсэг)	2023.6.03-ны өдөр
<b>Тав.СОНГУУЛИЙН МӨРИЙН ХӨТӨЛБӨР, СУРТАЛЧИЛГАА</b>			

22	Мөрийн хөтөлбөр, Хандивын тайландаа дүгнэлт гаргуулахаар хүргүүлэх	Орон нутгийн Хурлын ээлжит бус, нөхөн, дахин сонгуулиар нам, эвсэл болон бие даан нэр дэвшигч нь төрийн аудитын дээд байгууллагаас тогтоосон хугацаанд сонгуулийн мөрийн хөтөлбөр болон энэ хуулийн 25.3.6, 25.4.6-д заасан хандивын тайландаа дүгнэлт гаргуулахаар төрийн аудитын байгууллагын орон нутаг дахь салбар байгууллагад хүргүүлнэ. (Хуулийн 37 дугаар зүйлийн 37.8 дахь хэсэг)	Нам, эвсэл 2023.4.12-ноос өмнө  Бие даан нэр дэвшигч 2023.4.25-наас өмнө
23	Нам, эвслийн мөрийн хөтөлбөрийн талаарх дүгнэлтийг хүргүүлэх	Төрийн аудитын байгууллага нам, эвслийн сонгуулийн мөрийн хөтөлбөр энэ хуульд заасан шаардлагад нийцэж байгаа эсэх талаарх дүгнэлтийг санал авах өдрөөс <b>60-аас доошгүй хоногийн өмнө</b> гаргаж, тухайн шатны сонгуулийн хороонд хүргүүлнэ. (Хуулийн 37 дугаар зүйлийн 37.10 дахь хэсэг)	2023.4.19-нөөс өмнө
24	Ухуулах хуудас байрлуулах байршлыг тогтоож, нийтэд мэдээлэх	Ухуулах хуудас болон зурагт самбарыг нийтийн эзэмшлийн гудамж, талбай, олон нийтийн газарт байрлуулах байршлыг тухайн сум, дүүргийн иргэдийн Төлөөлөгчдийн Хурал санал авах өдрөөс <b>60-аас доошгүй хоногийн өмнө</b> тогтоож, нийтэд мэдээлнэ. (Хуулийн 40 дүгээр зүйлийн 40.3 дахь хэсэг)	2023.4.19-нөөс өмнө
25	Бие даан нэр дэвшигчийн мөрийн хөтөлбөрийн дүгнэлтийг хүргүүлэх	Төрийн аудитын байгууллага бие даан нэр дэвшигчдийн мөрийн хөтөлбөр энэ хуульд заасан шаардлагад нийцэж байгаа эсэх талаарх дүгнэлтийг санал авах өдрөөс <b>35-аас доошгүй хоногийн өмнө</b> гаргаж, тухайн шатны сонгуулийн хороонд хүргүүлнэ. (Хуулийн 37 дугаар зүйлийн 37.11 дэх хэсэг)	2023.5.13-ны дотор
26	Радио, телевиз сонгуулийн сурталчилгаа нэвтрүүлэх тухай мэдэгдлийг хүргүүлэх	Олон нийтийн радио, телевизээс бусад радио, телевиз нь сурталчилгааны нэвтрүүлэг нэвтрүүлэх бол сонгуулийн сурталчилгаа нэвтрүүлэх тухай мэдэгдлийг ... баримт бичиг, мэдээллийн хамт Харилцаа холбооны зохицуулах хороонд санал авах өдрөөс <b>30-аас доошгүй хоногийн өмнө</b> хүргүүлж, бүртгүүлнэ. (Хуулийн 45 дугаар зүйлийн 45.9 дэх хэсгээс)	2023.5.19-нөөс өмнө
27	Сонгуулийн мөрийн хөтөлбөр, хандивын тайлангийн талаарх дүгнэлтийг цахим хуудаст нээлттэй байршуулах	Төрийн аудитын орон нутаг дахь салбар байгууллага нь энэ хуульд заасан нам, эвслийн хандивын тайлан, сонгуулийн мөрийн хөтөлбөр болон түүнд хийсэн дүгнэлтийг санал авах өдрөөс <b>22 хоногийн өмнөөс эхлэн</b> энэ хуульд заасны дагуу нам, эвсэл болон бие даан нэр дэвшигч сонгуулийн зардлын тайлангаа хүргүүлэх өдрийг дуустал өөрийн байгууллагын цахим хуудас болон мэдээллийн самбарт нээлттэйгээр байршуулна. (Хуулийн 37 дугаар зүйлийн 37.12 дахь хэсэг)	2023.5.27-ноос эхлэн
28	Сонгуулийн сурталчилгааг эхлүүлэх, зогсоох	Сонгуулийн сурталчилгааг нэр дэвшигчид <b>үнэмлэх олгосон өдрөөс эхлүүлж</b> , санал авах өдрөөс <b>24 цагийн өмнө</b> буюу санал авах өдрийн өмнөх өдрийн 00:00 цагаас өмнө зогсооно. (Хуулийн 38 дугаар зүйлийн 38.1 дэх хэсэг)	2023.6.03-наас эхлэн 2023.6.16-ны 24:00 цагаас өмнө зогсооно
29	Сонгуулийн сурталчилгаа явуулах цахим хуудсыг бүртгүүлэх	Нэр дэвшигч энэ хуулийн 46.1.1, 46.1.2-т заасан цахим хуудсыг сонгуулийн сурталчилгаанд ашиглах тохиолдолд цахим хуудсыг нэр дэвшигчийн <b>үнэмлэх авсан өдрөөс хойш гурав хоногийн дотор</b> тухайн аймаг, нийслэлийн сонгуулийн хороонд бүртгүүлнэ. (Хуулийн 46 дугаар зүйлийн 46.2 дахь хэсэг)	2023.6.06-ны дотор

30	Сурталчилгаа явуулсан тайланг нийтэд мэдээлэх	Сонгуулийн сурталчилгаа явуулсан хэвлэл мэдээллийн байгууллага нь сонгуулийн <b>сурталчилгаа дууссанаас хойш 10 хоногийн дотор</b> сурталчилгаа явуулсан талаарх тайланг нийтэд мэдээлнэ. (Хуулийн 38 дугаар зүйлийн 38.5 дахь хэсэг)	2023.6.28-ны дотор
<b>Зургаа.САНАЛ АВАХ, ДҮН ГАРГАХ</b>			
31	Санал авах өдөр, цаг, байрыг нийтэд мэдээлэх	Хэсгийн хороо нь санал авах байрны дугаар, нэр, хаяг, байршил, орчин тойрны зураглалыг <b>санал авах өдрийг хүртэлх 14 хоногийн турш</b> нийтэд зарлан мэдээлнэ. (Хуулийн 61 дүгээр зүйлийн 61.7 дахь хэсэг)	2023.6.04-нөөс эхлэн санал авах өдрийг дуустал
32	Санал авахад шаардлагатай зүйлсийг бэлэн болгох	Тухайн хэсгийн харьяалагдах сум, дүүргийн Засаг дарга Сонгуулийн ерөнхий хорооноос баталсан зааврын дагуу санал авахад шаардлагатай дараах зүйлийг санал авах өдрөөс <b>долоогоос доошгүй хоногийн өмнө</b> бэлэн болгох үүрэгтэй. (Хуулийн 61 дүгээр зүйлийн 61.2 дахь хэсэг)	2023.6.11-нээс өмнө
33	Зөөврийн битүүмжилсэн саналын хайрцгаар санал өгөх хүсэлтээ байгууллагын удирдлагад болон хэсгийн хороонд хүргүүлэх	Эрүүл мэндийн байдлын улмаас зөөврийн битүүмжилсэн хайрцгаар санал өгөх сонгогч өөрийн эрүүл мэндийн талаарх харьяа өрхийн эмчийн магадалгаа, зөөврийн битүүмжилсэн саналын хайрцгаар санал өгөх хүсэлтийн хамт санал авах өдрөөс <b>гурваас доошгүй хоногийн өмнө</b> хэсгийн хороонд хүргүүлнэ. (Хуулийн 62 дугаар зүйлийн 62.2 дахь хэсэг)	2023.6.15-наас өмнө
		Энэ хуулийн 62.1.1, 62.1.2, 62.1.3, 62.1.4-т заасан сонгогч зөөврийн битүүмжилсэн саналын хайрцгаар санал өгөх хүсэлтээ тухайн байгууллагын удирдлагад өгөх бөгөөд байгууллагын удирдлага уг хүсэлтийг байгууллагын тодорхойлолтын хамт санал авах өдрөөс <b>долоогоос доошгүй хоногийн өмнө</b> сум, дүүргийн сонгуулийн хороонд хүргүүлнэ. (Хуулийн 62 дугаар зүйлийн 62.4 дэх хэсэг)	2023.6.11-нээс өмнө
		Сум, дүүргийн сонгуулийн хороо энэ хуулийн 62.4-т заасны дагуу ирүүлсэн хүсэлт, тодорхойлолтыг санал авах өдрөөс <b>таваас доошгүй хоногийн өмнө</b> тухайн сонгогчийн харьяалагдах хэсгийн хороонд хүргүүлнэ. (Хуулийн 62 дугаар зүйлийн 62.5 дахь хэсэг)	2023.6.13-наас өмнө
34	Ажиглагчаар бүртгүүлэх хүсэлтээ хүргүүлэх	Ажиглагч томилох эрх бүхий этгээд ажиглагч ажиллуулах, бүртгүүлэх хүсэлтээ Сонгуулийн ерөнхий хорооноос баталсан журмын дагуу бичгээр гаргаж, санал авах өдрөөс <b>таваас доошгүй хоногийн өмнө</b> хэсгийн хороонд хүргүүлнэ. (Хуулийн 66 дугаар зүйлийн 66.7 дахь хэсэг)	2023.6.13-наас өмнө
35	Саналын хуудсыг санал авах байранд хүргүүлэх	Сонгуулийн ерөнхий хороо саналын хуудсыг санал авах өдрөөс <b>гурваас доошгүй хоногийн өмнө</b> санал авах байранд хүргүүлэх ажлыг зохион байгуулна. (Хуулийн 60 дугаар зүйлийн 60.2 дахь хэсэг)	2023.6.15-наас өмнө
36	Ажиглагчийн үнэмлэх олгох	Хэсгийн хороо хүсэлтийг хүлээн авч нягтлан шалгаж, санал авах өдрөөс <b>хоёроос доошгүй хоногийн өмнө</b> ажиглагчийн үнэмлэх олгоно. (Хуулийн 66 дугаар зүйлийн 66.9 дэх хэсэг)	2023.6.16-наас өмнө

37	Зөөврийн битүүмжилсэн хайрцгаар санал авах	Өөрийн байнга оршин суугаа сум болон нийслэлийн нутаг дэвсгэрт байгаа ... сонгогчийн саналыг зөөврийн битүүмжилсэн саналын хайрцгаар түүний хүсэлт, эмнэлгийн магадалгаа, эсхүл холбогдох байгууллагын тодорхойлолтыг үндэслэн <b>санал авах өдрийн өмнөх өдрийн 09:00-20:00 цагийн хооронд</b> авна. (Хуулийн 62 дугаар зүйлийн 62.1 дэх хэсгээс)	2023.6.17-ны 09:00-20:00 цаг
38	Санал авах өдөр, цаг	Орон нутгийн Хурлын нөхөн болон дахин сонгуулийг жил бүрийн 6 дугаар сарын гурав дахь долоо хоногийн Ням гарагт улс даяар нэгдсэн журмаар явуулна. (Хуулийн 9 дүгээр зүйлийн 9.9 дэх хэсэг)	2023.6.18-ны өдрийн 07:00-20:00 цаг
		Сонгогчийн саналыг Улаанбаатарын цагаар <b>санал авах өдрийн 07:00-20:00 цаг хүртэл хугацаанд</b> санал авах байранд авна. (Хуулийн 61 дүгээр зүйлийн 61.1 дэх хэсэг)	
39	Төлөөлөгчөөр сонгогдсонд тооцсон тухай шийдвэрийг өргөн мэдүүлэх	Тухайн шатны сонгуулийн хороо сонгуулийн дүн болон Төлөөлөгчөөр сонгогдсонд тооцох тухай шийдвэрийг <b>сонгууль дууссанаас хойш долоо хоногийн дотор</b> тухайн шатны иргэдийн Төлөөлөгчдийн Хуралд өргөн мэдүүлнэ. (Хуулийн 73 дугаар зүйлийн 73.4 дэх хэсэг)	2023.6.25-ны дотор
<b>Долоо.СОНГУУЛИЙН ЗАРДАЛ, ТАЙЛАН</b>			
40	Сонгуулийн зардлын дансны дугаар, банкны нэрийг бүртгүүлэх	Нам, эвсэл болон нэр дэвшигч нь сонгуулийн зардлын дансны дугаар, банкны нэрийг санал авах өдрөөс <b>20-оос доошгүй хоногийн өмнө</b> төрийн аудитын орон нутаг дахь салбар байгууллагад мэдэгдэж, бүртгүүлэх үүрэгтэй. (Хуулийн 50 дугаар зүйлийн 50.3 дахь хэсэг)	2023.5.29- нөөс өмнө
41	Сонгуулийн зардлын тайланг хүргүүлэх	Нам, эвсэл нь санал авах өдрөөс хойш <b>45 хоногт</b> , нэр дэвшигч санал авах өдрөөс хойш <b>30 хоногт багтаан</b> зардлын тайландаа хувийн аудитын хуулийн этгээдээр дүгнэлт гаргуулан, төрийн аудитын орон нутаг дахь салбар байгууллагад хүргүүлнэ. (Хуулийн 56 дугаар зүйлийн 56.3 дахь хэсэг)	Нам, эвсэл 2023.8.02-ны дотор Нэр дэвшигч 2023.7.18-ны дотор
42	Гүйлгээний хуулга гаргаж, аудитын байгууллагад хүргүүлэх	Сонгуулийн зардлын данс байршуулсан банкны захирал, эсхүл салбарын эрхлэгч уг дансны бүх гүйлгээний хуулгыг гаргаж, санал авах өдрөөс хойш <b>30 хоногийн дотор</b> төрийн аудитын орон нутаг дахь салбар байгууллагад хүргүүлнэ. (Хуулийн 56 дугаар зүйлийн 56.5 дахь хэсэг)	2023.7.18-ны дотор
43	Сонгуулийн зардлын тайланг хянах, нийтэд мэдээлэх	Төрийн аудитын орон нутаг дахь салбар байгууллага зардлын тайланг хүлээн авсан өдрөөс хойш <b>60 хоногийн дотор</b> хянаж, дүнг нийтэд мэдээлэх бөгөөд нэг сая ба түүнээс дээш төгрөгийн хандив өгсөн иргэн, хоёр сая ба түүнээс дээш төгрөгийн хандив өгсөн хуулийн этгээдийг нийтэд мэдээлнэ. (Хуулийн 57 дугаар зүйлийн 57.1 дэх хэсэг)	Нам, эвсэл 2023.10.01- ний дотор Нэр дэвшигч 2023.9.16-ны дотор

МОНГОЛ УЛСЫН СОНГУУЛИЙН ЕРӨНХИЙ ХОРОО